

【经文信息】大正藏第 15 册 No. 0610

佛说内身观章句经 1 卷

目录

十一因缘章

No. 610

佛说内身观章句经

失译人名在后汉录

一切一其心	皆听美言训
佛所从得道	且听我彼经
彼空亦不断	有行皆非常
夫行不败坏	佛以讲授经
深微难见事	非章原之句
通彼能敷演	是以故为师
从本以存本	有造法之积
从慧以除弃	上士所讲说
所从因缘有	有行皆无有
亦有前世除	无知彼诸行
亦如欲演身	日亲之所讲
大灾患无数	皆以归流身
删定如本文	所演众要言
摩丽五字句	明誓以劝勉
以颂文具足	偶字音商备
若花实杂糅	皆听彼我诲
身非人非命	不丈夫非士
若体若不艶	斯事都无彼
夫身造而有	以有即败亡
无强皆归命	如沫蹈践碎

无强则无常	无常即无乐
无常亦为苦	非身身非我
身非常亦苦	非彼应为身
若体艳我有	身都无可有
若以都无体	有存亦有亡
慧者以本末	何彼已有体
若以无主者	不得以自由
有校计若此	何彼体我有
斯体身为空	体我无为虚
应因缘为有	非身逝心造
非众人身造	亦非自身造
都无身有造	亦身无不造
以身无造者	从彼为得谛
亦非都骨节	
从前世方来	亦非天造身
非神所化城	非无行无本
无因为自有	是身有所由
有事亦有物	有本有所起
稍稍为生有	本以痴亦爱
心与爱有漏	亦有缚亦结
行二品为漏	斯为本亦余
世与受因缘	以由彼斯身
以渐能致有	初始有精沫
精沫为转凝	足为生两两
以两为转厚	以序有四体
为生头第五	若干骨积聚
从行为用成	头九为髑髅
頰[出*页]为二骨	齿根三十二
齿三十二骨	颈为与耳本
鼻为与上腭	心与颈咙喉
凡为骨八十	颊车与颈四
咽亦为骨四	左臂与右臂
凡有骨五十	若其斯左肋
应有十三肋	亦斯右肋然

应有肋十三	斯为四十八	
三三三相连	二为二相连	
其余不相连	身者以为强	
如束苇无强	脊脊三十二	
尻与腰为三	若其斯左脾	
骨为二十五	右髀为亦然	
为骨二十五	肩髀有骨四	
凡三百二十	敷演名之谛	
佛以日断嗣	彼段悉以聚	
诸根为以缝	非疮而裹之	
肉血以涂[打-丁+荼]	如木机关缕	
为如幻师幻	骨机关亦然	
以筋缠缚成	合聚骨若此	
以为是形体	愚者莫不着	
智者而不着	生革以隐蔽	
九孔为大疮	周匝为渗漏	
不净腐臭处	口啄如为孔	
满之以诸谷	是身为若此	
以进若干腑	毛发与爪齿	
尘埃亦皮革	骨节亦骨髓	
为凡筋与脉	胃与心亦脾	
大肠亦小肠	肝与肺亦肾	
脂[月*费]亦大便	泪与唾亦汗	
鼻涕膏亦血	寒热肪小便	
[臄-凶+山]之与[臄-凶+山]膜	皆以沉没彼	
如泥涂老牛	如其成不知	
身之内与外	夫城骨与墙	
肉血为涂严	为怨所破坏	
恒为以内外	彼央若干百	
以为贪其肉	其外亦灾害	
皆以多尤彼	斯身腐败坏	
譬如久故城	昼夜供侍之	
坏如已复坏	如坎与空聚	
恒盗贼俱止	取之欺殆人	

身为毒虺穴	夫毒虺剧毒
恒于身居止	喜怒毒奸弊
孚不和大毒	正使满百岁
恒以和安隐	忿则无反复
须臾复不安	斯身为灾祸
嫌而有恐畏	如虎游荒泽
有畏多恐怖	诸念为以仰
为一切苦器	亦为诸剧事
斯身主为受	沈于苦之法
一切诸病宅	为老死之法
身为增恩爱	苦以寒与热
或风而不和	是则病如生
为败坏诸根	失疾贼害人
老死笮厄人	如雪聚得火
疾而为解释	斯若此无数
身之多灾祸	吾所演一切
未能已备具	要以为诸苦
腐身为不实	多因缘以成
大耶以为躯	

佛说内身观章句经

十一因缘章

佛言。行者有十一因缘。灭道制令人不堕恶道。当不识者。谓万物。一为大。谓人众。二者多食。谓诸美。亦谓过饱。三者为多行。谓多业。四为多。谓多语。五为多睡眠。六为会聚。谓禅中。七为习行。谓多事。八为爱。谓非法语。九为轻。谓贪谓多欲。十一为不好善处居。谓恶人中。行道者当断是十一因缘。得道疾。

【经文信息】大正藏第 15 册 No. 0610 佛说内身观章句经

【版本记录】CBETA 电子佛典 Rev. 1.11 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 维习安大德提供之高丽藏 CD 经文, 北美某

大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
